

## TANJONA

- Manavaka ny fototeny anatin'ireo matoanteny samihafa ary mamaritra ny hevitra ambarany

## LESONA HOTADIDIANA

## NY FOTOTENY

Ny fototeny dia ny fisintonana ireo teny kely misy heviny any anatin'ny matoanteny maro samihafa.

Ohatra :        Nisy: n-isy  
                   Nandroso: n- an- roso  
    dr  
                   Nirotsaka: n- i- rotsaka

Misy fepetra ahafantarana ny fototeny :

→ Tsy azo rasaina intsony

Ohatra : tia, tonga, petaka, vimbina, to, ...

→ Tsy ahitana tsirinteny ao anatiny

Ohatra : rahona, rakotra, re

→ Mety hanana vaninteny tokana, na 2, na 3, kanefa tsy mihoatra ireo.

Ohatra : fy, re (mivany tokana); dio, tsara (mivany roa); fantatra, afaka (mivany telo)

→ Azo atao verindroa

Ohatra :        lava= lavalava, poaka= poapoaka, hitsaka= hitsakitsaka  
                   soa = soaso, sasa = sasasasa, folaka = folapolaka,  
                   tezitra = tezitezitra, ...

Ny teny fohy indrindra misy heviny iray dia azo amoronana matoanteny maromaro samihafa

Ohatra: Asa: miasa, fiasana, mampiasa, fampiasana

Joro: mijoro, ijoroana, mampijoro, fampijoroana, fijoroana

Misy ireo fiovam-peo vokatry ny fanakambanana ny fototeny manomboka amin'ny renisoratra rehefa tovonana man-

H miova G ohatra: Horona: mangorona / Hovitra: mangovitra

R miova DR ohatra: Re: mandre / Ratra: mandratra

L miova D ohatra: Lady: mandady / Lositra: mandositra

Z miova J ohatra: Zavona: manjavona

## Lahatsoratra

### Ny valala

Nisy zavatra toy ny rahona matevina manamaizina ny lanitra. Nandroso haingana nanatona ny tanàna izy io. Tsy orana anefa izany fa andiam-balala; nitsotra nihalavalava io zavatra toy ny rahona io, dia toa rovidrovitra ny sisiny ka valala no indreny nirotsaka nipoapoaka teny amin'ny tafon-trano... Rakotra azy ny lalana....-“Valala e! valala e!”..... Nihazakazaka ny olona ary nohitsakitsahiny ny valala. Feo misamonimonina no re hatraiza hatraiza.

Ampahan-dahatsoratra nalaina tao amin'ny R.CARLE,  
Eto Madagasikara, tak. 54

Lahatsoratra ahitana matoanteny maromaro amin'ny endrika samihafa ihany koa.

## Sahanasa 1

Rasao ireto teny ireto mba hanavahana ny tsirinteny sy ny fototeny mandrafitra ny matoanteny:

rovidrovitra: .....

nipoapoaka: .....

mivanaka: .....

manatsara: .....

## Sahanasa 2

Fenoy ny fafana, fantaro ny fototeny amin'ireto teny ireto ary mariho X ny vaniny.

Teny	Mivany tokana	Mivany roa	Mivany telo
Famolahana			
Mijery			
Fahatongavana			
Mankafy			
Mandratra			
fankatoavana			

### Sahanasa 3

a) Omeo ny teny iraisan'ireto teny ireto:

- Ivesarana, manavesatra, mitambesatra, fitambesarana.  
.....

- Mijoro, ijoroana, mampijoro, fampijoroana, fijoroana  
.....

- Mitazana, tazanina, fitazanana, mapitazana  
.....

- Mandre, fandrenesana, renesina, andrenesana  
.....

b) Arafeto miaraka amin'ny tovona man- ireto teny manaraka ireto:

efa:

hovitra:

horona:

ilika:

re:

lositra:

ongotra:

voraka:

ratra:

bosika:

lady:

gina:

zavona:

afaka